



贛縣志卷拾六

食貨志

倉儲

二十六年徵集之書

昔明謝鳳渚有言贛鮮蓋藏公庾之積未能陳陳相因偶饑誰其輸之其爲地方計亦詳哉言之矣近日道府縣長官關心民瘼先事豫謀紳民亦踴躍輸捐各倉所儲數輒逾萬而又節縮盈虛時爲出納去故取新期於永久將來歲月愈深蓄積愈厚卽遇荒歉可無憂匱之矣後之莅斯土者尙其劑量變通長存此良法美意也夫

預備倉九四

東倉四座八間在七鯉鎮西倉二座三間在赤硃嶺南倉二座三間在苑田北倉二座五間在大坪頭俱洪武拾九年丙寅建今俱廢

水次倉在西門外今廢

大濟倉六座在城東登雲坊收儲常平穀八千石乾隆三拾年乙酉奉文改歸贛縣並管常平舊倉三座在塔下寺明崇禎拾四年辛巳知縣陳履忠建乾隆九年甲子爲風雨所

贛縣志

卷十六

倉儲

一

圯

常平新倉二座拾五間卽塔下寺舊址乾隆拾年乙丑知縣馮醇建又箭道倉一座乾隆

六年辛酉知縣張照樂建育嬰堂倉一座二間上三倉共儲穀二萬五千石

馬王廟左倉二座三間內儲兵米隨收隨放弓箭營倉一座楊老井倉五座連大濟倉六

座共十七座額儲穀三萬三千石(舊志)內除上屆清查案內未買穀一千七百三十

三石六斗三升五合四勺又於道光二十九年清查案內開報歷任盤缺穀一萬三千

二百六十四石一斗六升四合六勺內除咸豐元年豁免案內開報那缺穀一千二百

六十五石八斗九升五勺歸豁免案內聽候籌補其餘穀一萬一千九百九十八石二

斗七升四合一勺歸那缺案內另行辦理又除咸豐八年碾放勇糧穀三千七百八十

四石七斗五升外實存倉穀一萬四千二百一十七石四斗五升(據戶科報)

關義倉十間儲義穀一百四十三石一斗九升零餘剩倉廩兼儲常平倉穀

社倉八所在六鄉明萬歷三十四年丙午建儲穀四千一百石



國朝各鄉分鎮建社倉五十八所儲穀一萬三千一百八十石乾隆三十二年丁亥奉文改建總倉將舊倉板櫃變抵於城鄉適中之上排梅林沙河等處分建倉廩六十四座共儲社穀二萬五千七百四十三石(舊志)

道義倉舊在城西倉廩十間始設於雍正六年儲穀萬二千有奇嘉慶二十一年巡道查清阿倡捐穀一千石改建於道署東偏編長慶豐年多蓄積字爲七廩自爲記道光十三年巡道薩興阿續捐穀一千石自爲記計實儲穀三千石

府義倉在城南宮保府道光十三年知府汪云任購王氏屋建編農夫之慶實維豐年黍稷稻梁俸彼甫田立我蒸民歲取十千字爲倉廩二十四間儲穀九千五百石

民義倉在城南鴛鴦橋倉廩三座儲穀二千五百石

商義倉在宮保府府義倉後道光十三年知府汪云任購王氏屋與府義倉同建編永觀厥成百室盈止其崇如壙萬億及秭字倉廩十六間儲穀五千石

鹽義倉舊在新開路道光十三年巡道李象鵬建倉廩十六間十九年巡道趙仁基移建

於宮保府府義倉左廩如其數儲穀二萬七千五百七十五石七斗五升(道義倉以下從府志新增)

道府鹽商民五義倉儲穀咸豐六年因粵匪圍城日久發給口糧提盡一空稟報准銷在案嗣於八年知府楊稟請撫憲者奏准 部咨在贛分設穀捐局至同治八年止共收捐稻穀六萬四千九百石零一斗二升現分儲六十八廩